

TSCHENTAMENTS

da l'Uniun da las Rumantschas e dals
Rumantschs en la Bassa (URB)



I. Num, furma iuridica, sedia e status

art. 1

Num, furma giuridica e sedia

L'Uniun da las Rumantschs en la Bassa (URB) è ina societad tenor art. 60 ss dal cudesch civil svizzer. La sedia da l'uniun è il lieu da domicil dal president/da la presidenta.

art. 2

Status

- 1 Ella è ina associaziun affiliada a la Lia Rumantscha.
- 2 L'URB resta neutrala en fatgs da politica da partida ed en fatgs confessiunals.

II. Intent ed activitads

art. 3

Intent

L'URB ha l'intent da

- a) unir e sustegnair las organisaziuns rumantschas/grischunas ordaifer il chantun Grischun en lur tavur da la lingua e cultura rumantscha
- b) realisar e promover projects per francar, derasar ed actualisar il rumantsch e sia cultura e per rinforzar sia preschientscha e ses diever en tut ils secturs da la societad.
- c) represchentar la Rumantschia ordaifer il chantun Grischun.
- d) promover l'infurmaziun reciproca e quella cun la Lia Rumantscha. Qua tras vul l'URB contribuir activamain a la finamira da la Lia Rumantscha e sustegnair ils sforzs per la lingua e cultura rumantscha.

art. 4

Activitads

- 1 Las activitads necessarias per ademplir l'intent vegnan decididas da la radunanza annuala en in program da lavur annual.
- 2 La suprastanza da l'URB exequescha quest program da lavur annual en collavuraziun cun sias organisaziuns affiliadas e ses commembers singuls.

III. Commembranza

art. 5

Commembranza

Commember da l'URB pon daventar:

- 1) uniuns rumantschas/grischunas ordaifer il chantun Grischun
- 2) scadina persuna natirala (famiglia)
- 3) persunas e societads giuridicas cun domicil ordaifer il chantun Grischun
- 4) sin proposta da la suprastonza sa la radunanza annuala nominar persunas singulas sco commembras d'honur da l'URB. Quellas han lu dretg a tuttas occurenzas e manifestaziuns organisadas da l'URB ed ein era liberadas da pagar la contribuziun annuala da sustegn.

IV. Organs

art. 6

Organs

1 Ils organs da l'URB èn:

- a) la radunanza annuala
- b) la suprastanza
- c) il revisurat

2 Per preparar tschertas fatschentas ed examinar problems spezials pon ins numnar cumissiuns spezialas.

A. Radunanza annuala

art. 7

Cumposiziun

- 1 La radunanza annuala è l'organ legislativ da l'URB; ella è publica.
- 2 La radunanza annuala sa cumpona
 - a) da las delegadas e dals delegads da las organisaziun affiliadas
 - b) da las ulteriuras commembra e dal ulteriurs commembers
 - c) da las commembra e dals commembers da la suprastanza
- 3 Mintga associazion ha duas vuschs. Commembers singuls han ina vusch.

art. 8

Cumpetenzas

- Sco organ suprem ha la radunanza annuala en particular la cumpetenza
- da 1) surveglier l'entira gestiun da l'URB
 - 2) discutar e decider dumondas da princip e da program
 - 3) stabilir e midar ils tschentaments
 - 4) eleger il president/la presidenta, la suprastanza per periodicas d'uffizi da trais onns
 - 5) eleger dus revisurs da quint or dal ravugl da la radunanza per la perioda d'uffizi da trais onns
 - 6) approvar il program da lavur, il rapport annual, il quint ed il preventiv annual e dar descharscha als organs
 - 2) decider davart la recepziun e l'exclusiun dad organisaziuns affiliadas e da commembers singuls sco era da commembers d'honur.

art. 9

Convocaziun

- 1 La radunanza vegn convocada da la suprastanza ina giada l'onn per sia tschentada ordinaria.
- 2 L'invit, la glista da tractandas e la documentaziun èn da tramerter trais emnas avant la radunanza directamain a las commembras ed als commembers.

art. 10

Radunanzas extraordinarias

Ina radunanza extraordinaria po vegnir convocada sin decisiun da la suprastanza, d'almain 5 associaziuns affiliadas u d'almain 10 commembers singuls.

art. 11

Tractandas

La radunanza tracta era fatschentas urgentas inoltradas a scrit da la suprastanza dad in'organisaziun affiliada u da commembers singuls il pli tard 10 dis avant la radunanza.

B. La suprastanza

art. 12

Cumposiziun

La suprastanza da l'URB sa cumpona dad almain tschintg commembers e sa constitutescha sezza cun excepziun dal president/da la presidenta che vegn elegì/ida directamain da la radunanza.

art. 13

Obligaziun e cumpetenzas

1 La suprastanza è l'organ administrativ ed executiv da l'URB ed ha en particular las suandantas obligaziuns e cumpetenzas:

- 1) exequir ils pensums tenor ils tschentaments, las ordinaziuns e las decisiuns dals ulteriurs organs e decider davart tuttas incumbensas da gestiun, uschè lunsch che quai na stat en la cumpetenza explicita dad in auter organ u è già decidì directamain u indirectamain, cunzunt entaifer il preventiv, tras in organ superiur.
- 2) preparar las sedutas da la radunanza annuala.
- 3) nominar la vicepresidenta/il vicepresident e reparter las scharschas entaifer la suprastanza.
- 4) surveglier l'administraziun e la cassa.
- 5) relaschar ils reglaments davart las obligaziuns e cumpetenzas dal post administrativ da l'URB
- 6) decider credits fin a fr. 1'500.- per mintga cas singul.

2 Trais commembers da la suprastanza èn ils delegads da l'URB a la radunanza da delegadas e delegads da la Lia Rumantscha. Il president/ la presidenta da l'URB è il medem moment part dal Cussegl da la Lia Rumantscha.

art. 14

Sedutas

La suprastanza sa raduna tenor invit da la presidenta/dal president u sche traist commembers dumondan quai. Ella po decider, sche almain traist commembers en preschents.

C. Revisiun da quint

art. 15

Revisurs da quint

Ils revisurs/las revisuras da quint controlleschan annualmain il quint e dattan rapport detaglià a la radunanza annuala.

V. Finanzas

art. 16

Meds finanzials

Ils meds finanzials da l'URB sa cumponan da:

- 1) contribuziuns da la LR
- 2) contribuziuns annualas statutaras da las commembras e dals commembers che vegnan fixadas e protocolladas mintg'onn a la radunanza annuala
- 3) donaziuns dad ulteriuras instituziuns e da persunas privatas
- 4) entradas occasiunalas

art. 17

Responsabladad

Per obligaziuns finanzialas è la suprastanza da l'URB responsabla.

VI. Revisiun dals tschentaments

art. 18

Revisiun

Quests tschentaments pon vegnir suttamess ad ina revisiun totala entras conclus preliminar da la radunanza sin proposta da la suprastanza, sin dumonda da 5 uniuns affiliadas u 10 commembers singuls.

art. 19

Quorum

Per ina revisiun totala sco era parziala dovri ina maioritad da 2/3 da las vuschs da la radunanza.

VII. Dissoluziun

art. 20

Procedura

Per la dissoluziun da l'URB dovri 2/3 da las VUSChS da la radunanza.

art. 21

Liquidaziun

En cas da dissoluziun va la facultad da l'URB a la Lia Rumantscha.

VIII. Disposiziun finala

art. 21

Entrada en vigur

Quests tschentaments remplazzan ils tschentaments dals 17 da settember 2009.

Schwerzenbach/Cuira, ils 08 da december 2021

Uniun da las Rumantschas e dals Rumantschs en la Bassa - URB

Roman PFISTER
President

Nino ENDERLIN
Actuar



Approvà da la Lia Rumantscha - LR

Johannes FLURY
President

Diego DEPLAZES
Secretari general

